



Publicaziuns dalla vischnaunca, jamna 3

Cussegl da vischnaunca

Elecziun complementara

La suprastanza communal ha giu fixau il termin dils 10 da schaner 2019 per inoltrar propostas per l'elecziun complementara d'ina commembra ni d'in commember dil cussegl da vischnaunca pil rest dalla perioda d'uffeci 2017/2020.

Per l'elecziun complementara dil cussegl da vischnaunca ei vegniu inoltrau suandonta proposta:

Num e prenum: Sabbadini, Martino, naschius 1980

Adressa: Via Raveras 39, Disentis/Mustér

Relaziuns familiaras: maridau, treis affons

Professiun: capoluvrer

Sebasond sin art. 33 dalla lescha davart ils dretgs politics ei in'elecziun tgeua pussevla tier elecziuns complementaras ed el secund scrutini. Damai ch'igl ei buca vegniu annunziau dapli candidats che posts vacants enteifer il termin fixau, ha la suprastanza communal eligiu ils 14 da schaner 2019 en in'elecziun tgeua **Martino Sabbadini** sco commember dil cussegl da vischnaunca pil rest dalla perioda d'uffeci 2017/2020.

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter sura elecziun enteifer treis dis dapi ch'il motiv da recuors ei vegnius constataus, sil pli tard denton il tierz di suenter la publicaziun ufficala. Il recuors ei d'inoltrar alla suprastanza communal.

Suprastanza communal

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2018–1027.000

Ciril ed Ursula Candinas-Schmutz, Via Curtins 3, 7186 Segnas; nova platta da betun avon stalla, parcella 1525, Glaretsch, 7186 Segnas.

Nr. 2018–1044.000

Thomas Durschei, Via Luzzas 5, 7180 Disentis/Mustér; niev mir da betun sin la platta da betun existenta tier il lidimer, parcella 208, Salez, 7186 Segnas

Nr. 2018–3004.000

Catrina Resort AG, Via Sontga Catrina 12, 7180 Disentis/Mustér; inscripziun nova: Pylon «Experience Catrina »/inscripziun vid la fatschada e bandieras Coop, parcella 1332, Via Acletta, 7180 Disentis/Mustér.

Nr. 2018–3005.000

Catrina Resort AG, Via Sontga Catrina 12, 7180 Disentis/Mustér; inscripziun nova (Catrina Lodge), parcella 1570, Via Sax, 7180 Disentis/Mustér.

Disentis/Mustér, ils 15 da schaner 2019

Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2018–2098.000

Fabian Fry, Via Plaun-Sut 3, 7180 Disentis/Mustér; remplazzament dalla bargia da lenna existenta sin parcella 3024, Las Cavorgias, 7180 Disentis/Mustér

Nr. 2018–2107.000

Michel Andriuet, Via Sontga Gada 16, 7180 Disentis/Mustér; sanaziun digl access tier la casa nr.18 sin parcella 2853, Via Sontga Gada 16, 7180 Disentis/Mustér.

Nr. 2018–2108.000

Stephan und Günes Tscheulin, Gassa da Cuoz 5, 7186 Segnas; engrondaziun e sanaziun dil plaz da seser sin parcella 1692, Gassa da Cuoz 5, 7186 Segnas.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 15 da schaner 2019
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **gliendisdis, ils 21 da schaner 2019**, allas 20.15 el Center sursilvan d'agricultura a Salaplauna.

Tractandas:

1. Protocol 16-2017/2020
2. Center da sport e cultura: Orientaziun davart las adattaziuns dil project per ina sanaziun cumplessiva
3. Interpellaziun nr. I 1-2017/2020: Risposta
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Referendum facultativ

Ils **14 da december 2018** ha il cussegl da vischnaunca approbau unanimamein la revisiun parziala dalla lescha dil dretg da burgheis.

Encunter quella decisiun ei enteifer il termin fixau buca vegniu fatg diever dil referendum, aschia che la revisiun parziala dalla lescha passa en vigur cuagl 1. da schaner 2019.

Suprastonza communal



Appel als possessurs da tgauns

Adina puspei constatein nus che tgauns spassegian libramein e senza survegionza pil vitg e la cuntrada entuorn. Ultra da quei observein nus savens ch'ils satgets cun excrements da tgauns vegnan tratgs sils praus e sin las pastiras e deponi ordeifer ils recipients (robidogs) destinai per quei intent.

Sebasond sin art. 18 dalla lescha d'agricultura sco era las prescripziuns generalas eis ei scumandau da schar ir libramein ils tgauns. Surpassaments encunter las prescripziuns dalla lescha d'agricultura san vegnir puni entras la suprastonza communal.

Nus supplichein tuts possessurs da tgauns da survegilar lur tgauns. Plinavon appellein nus da far diever dils satgets per excrements sco era dils recipients (robidogs) che stattan a disposiziun. Plinavon supplichein nus ils possessurs da tgauns d'evitar che lur tgauns fan lur dabasegns (marcheschan) vid las fatschadas da casas e baghetgs da tiarzas persunas.

Bien engraziament per Vossa capientscha.
Suprastonza communal

Controlla da habitonts

Directivas

Sebasond sin art. 13 entochen 17 dalla lescha cantunala davart ils registers da habitontas e habitonts e davart ulteriurs registers da persunas e d'objects, supplichein nus da risguardar suandontas prescripziuns:

Partenza/midadas d'adresses

Persunas che bandunan nossa vischnaunca ein obligadas d'annunziar lur partenza ordavon cun retrer lur scartiras tier l'administraziun communal. El medem mument ei la retschevida dallas scartiras da returnar.

Midadas d'adresa enteifer la vischnaunca ein d'annunziar all'administraziun communal enteifer 14 dis. Questa obligaziun d'annunzia vala era per midar adresa enteifer il medem edific.

Locataris

Locataris da habitaziuns e casas ein obligai d'annunziar mintg'arrivada ni partenza d'affittaders enteifer 14 dis all'administraziun communal.

Commerci

Tgi ch'arva ni siara ina fatschenta ni in menaschi commercial ei obligaus d'annunziar quei fatg enteifer 14 dis all'administraziun communal.

Lubientscha da jasters

Persunas digl'exteriur ston inoltrar ad uras all'administraziun communal la damonda da prolungir la lubientscha da dimora.

Obligaziun d'annunzia/deponer las scartiras

Tgi che pren domicil en nossa vischnaunca ha d'annunziar si'arrivada enteifer 14 dis tier la controlla da habitonts Disentis/Mustér. Per l'annunzia ei da deponer il scret da patria ni en cass motivai sco dimorant durent la jamna in attest da domicil.

Per persunas ch'ei buca da naziunalitad svizra ein il passaport ni la carta d'identitad, ina confirmaziun dalla cassa da malsaus svizra e sche gia avon maun, la lubientscha dajasters, necessaris.

Formulars

Differents formulars per far las annunzias alla controlla da habitonts anfleis Vus sin nossa pagina d'internet [www.disentis.ch/Downloads/Spurtegl_virtual/Controlla da habitonts](http://www.disentis.ch/Downloads/Spurtegl_virtual/Controlla_da_habitonts).

Bien engraziament per Vossa cooperaziun.
Administraziun communal



Scola da musica

Ritmica per affons pigns (annada 2013 e 2014)

Nus cantein e sunein en gruppa.

Liug: Mustér, adina mardis naven dallas 14.20–15.10

12.2., 19.2., 5.3, 12.3., 19.3., 26.3., 2.4. e 9.4.2019

Aunc buc annunziau, negin problem! Bugen spitgein l'annunzia tochen ils 5-2-2019.

Formulars ed ulteriuras informaziuns:

www.bzs-surselva.ch

081 926 25 10, admin@bzs-surselva.ch

Center da formaziun Surselva CFS

Café da sentupada/Begegnungscafé

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista organisiert. Alle sind herzlich eingeladen am **Montag, 21. Januar 2019**, von 17–19 Uhr im Gemeindezentrum Aua Viva in Disentis dabei zu sein.

Disentis/Mustér

Cinema Salaplauna: «Papst Franziskus – ein Mann seines Wortes» (USA 2018)

Mittwoch, 23. Januar, Center sursilvan d'agricultura, Disentis/Mustér

Umwelt, soziale Ungleichheit, Armut und Krieg – zu all diesen Themen äussert sich Papst Franziskus im Filmportrait «Ein Mann seines Wortes». Dafür folgte der Regisseur Wim Wenders dem Papst bei seinen Reisen um die Welt. Türöffnung 19.30 Uhr, Filmstart 20 Uhr. Eintritt frei, Kollekte.

Cinema Salaplauna: «Bittere Ernte» (CAN 2017)

Mittwoch, 30. Januar, Center sursilvan d'agricultura, Disentis/Mustér

Der Film «Bittere Ernte» zeigt die schwierige Situation von Kleinbauern in verschiedenen Ländern der Welt auf. Der Film geht den Ursachen dieses Elends nach und zeigt Zusammenhänge auf, welche das Wirtschaftssystem und die grossen Handelsunternehmen miteinschliessen. Türöffnung 19.30 Uhr, Filmstart 20 Uhr. Eintritt frei, Kollekte.

Prelecziun en stiva/Lesung in der Stube: «Widerschein»,

Samstag, 2. Februar, Casa Curmetg, Disla, Disentis/Mustér

Mit der Prättigauer Autorin Anita Hansemann. In der «Stiva» des alten Holzhauses Casa Curmetg, zwischen Specksteinofen und Webstuhl, liest die Autorin aus ihrem Roman «Widerschein». Er erzählt von Gemsen, Lawinen und Dorfgeschichten in einem Prättigauer Seitental. Vor der Lesung gibts Gerstensuppe in der heimeligen Küche, dazu ein Glas Bündner Rotwein. Suppe 19 Uhr, Lesung 20.30 Uhr
Reservation: info@agricultura.ch oder 081 936 48 00



Invitaziun Seniors-Ca

Gievgia, ils 24 da schaner 2019 a Caischavedra per jass/troccas ni guder la neiv!

Duas pusseivladads:

a) gentar allas 12.15 en «Stiva Pius» (a Caischavedra) cun salata ni suppa, plat principal ed enzatgei da beiber per in prezi favoreivel. Rimnada allas 11.30 a Sontga Catrina.

Annunzia pil gentar tochen mardis, ils 22 da schaner 2019 allas 17.00 a Puntreis sut 081 929 56 56.

b) jass/troccas/auters giugs ni guder la neiv: rimnada allas 13.30 a Sontga Catrina.

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 31 da schaner 2019**

Temps: 15.00–16.30

Liug: Casa da scola Segnas, local artgin, ella 1 alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida *Uniun da dunnas, ressort affons*